

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第三五冊

補編第三十五冊目次

天台詩選六卷補遺一卷續補遺一卷

〔明〕許鳴遠輯
吉林省圖書館藏民國元年排印本

..... 一

續垂棘編初集六卷二集十卷三集十卷四集九卷

〔清〕范鄮鼎輯
上海圖書館藏清康熙三十四年刻本

..... 一一八

天台詩選六卷補遺一卷續

補遺一卷

〔明〕許鳴遠輯

吉林省圖書館藏民國元年排印本

附《四庫全書總目·天台詩選

五卷》提要

重訂天台詩選序

天台之有詩集自江東天顧始也南宋隆興間號稱能詩無出劉氏兄弟右者嗣是厥後若抱犢若高林若江村若新山若檜軒則全芳備俎稱之後村詩話著之顧俠君元詩選又並載之洎乎有明斯道廢績卷帙滋多其尤爲時推重者則有魯氏之竹素游思等集褚氏之怡笑集杜氏之樂全集范氏之丹臺集柏軒稿許氏之格稻吟廬氏之黃州集夏氏之赤城集陳氏之霞山漫草以及陳竹窗袁知止龐石壁潘詒鶴與雙澗梅壑許醉夢陳秋鶴而以竹居得月兩集爲之殿獨恨年代湮遙風流易主故家遺稿

天台詩選序

二

多埋沒於水火兵燹轉徙隆遺中其更代保守愁遺而至於今者惟方外寒山子最古餘則各族譜牒寄存一二蓋寥寥無幾矣藉非有網羅散佚之人爲之逐一編輯其安知不隨大江東去風流浪淘無復有古人名氏於來代讀者之口豈不大可悲乎此鄉先生帶存許氏所以有天台詩選之刻也攷四庫全書提要總集列此卷存目類前有小寒山陳函輝序蓋卽徐題翔訂本而刻於崇禎十五年者迄今垂三百載散亡殆盡許氏之後賢曰佩蓀品蘭者愛之以爲吾邑詩人雖或收於戚氏三台詩錄風雅遺聞暨天台山方外各志而無專選幸而有此而又令其日就

湮滅非惟辜吾祖輯選之意抑亦合人之辱也因願設法重印而商之吾友金君性山時性山方有國朝天台詩存之選用聚珍版排印業已告竣凡自國初三高士以下迄於同光諸子得一百八十餘家表然成一代巨觀惟爲例甚嚴寧以人存詩不以詩存人雖有才華清卓而行事不軌於正樂行刪黜無登載者亦謝靈運心邪不許入社之例也而是選則開見較遠只辨其非天台籍者削之而補以補見於各家之作使無漏遺又或時代倒錯方外閨媛襍糅其中爲前刻所未嘗糾正者一一爲之釐剔務與原刻不相反而實相成品蘭願而樂之將以某月日付印并

天台詩選序

二

道所以醜貴之故而巧余序其簡首余維繼承先志一舉而三善備焉後世之名君子所必爭高山之上深淵之下尙欲寄姓字於其間而况爲之苗裔者可聽其漸卽淪棄乎此舉出於家族有本本水源之思焉磨沙洗戟可認前朝古有以一物之愁畱卜聲名之承短出之灰塵加以拂拭是生死人而肉白骨也千年龍光終當復出正其時矣江右雲間劉瓛而銷詩雖小道亦藉人靈台山夙稱奇秀倘無佳章雅什爲之鼓吹不令松桂笑人乎卽前賢亦不任受過也持此心也以往吾益於品蘭有厚望矣雖然循以過鑑不載文人之例則或者疑其無補於時而際此澹

海揚塵劫灰山黑之秋與其滔滔橫流靡知所屆孰若反吾初服相與聚先正一堂庶幾田陶咏所及或可畱吾道之萬一於將來也夫豈僅敝帚自享而已乎時壬子中秋后五日同邑後學褚傳誥

天台詩選序

三

序

予既排印國朝天台詩存告竣而許君佩蓀擬重刊其遺
祖明季淮安同知帶有先生天台詩選與予商定其體例
謹案是集之葺當崇禎之壬午是時流賊已逼廬鳳陷開
封殘汝甯京師岌岌朝不保夕合雖未被兵亦風鶴告警
而先生獨汲汲以詩選爲事所志若並不及乎他者逆知
天下已壞不可復支也故不二年而明鼎遂革中原離析
蕩盡而台之文獻獨不與兵火俱燼河山俱分裂者則此
次先生收葺之功爲不可沒也顧其體例亦頗有未善所
取皆本籍人而閒入寄寓釋道與閭閻並列不復別異前

天台詩選序

後時代亦有講舛斯三者固畧知編纂者所解道而先生
於此若獨有未盡然者名託於選詩而意不專在乎詩也
宗周將隕發不恤緯漆室之憂魯女且然而況仁人君子
蒿目時艱關心於君國之故者乎嗚呼當先生攝篆新城
集民兵禦賊嚴斥埃警烽火浚濠塹擒剽盜撫饑民政績
偉然使羣州縣皆若是則流寇不作而明可以不亡其卒
亡者貪官墨吏之充斥於天下而如先生等輩際不得施
用故也卒以漕事爲當道所中解職歸里杜門撰述詩選
之葺特借之以消遣日月終吾餘年而其耿耿不得已之
心抑鬱幽憂無可陳訴計惟古人可以告語歎相印證而

天台詩選序

於初志殊不然也然先輩之名篇雅什精神心血所寄轉
藉是以得緣延於世不可謂非厚幸而語言文字較量分
寸體例有未盡脗合者固先生所不屑屑措意也且亦是
手定未成之書經徐明經允允等續葺而義例仍參差別
出爰是與許君重加校正缺者畧爲增補惟是選晉經採
入四庫全書存目流傳必廣今考吾邑止有此本一經遺
失則廣陵散遂絕因促其急行付梓當茲廢經蔑孔興學
猖狂吾道淪胥之會刻此亦復何益然爲鄉邦文獻之所
係抑亦國粹將亡之轉藉以保存也然先生生不忍見亡
國之戚不數月而卒范文子祝宗祈死竟如所願予不幸
遭非常之變與先生相似而禍勢劇烈更甚於亡明雖所
葺詩存或可與詩選爲後塵之步而禮義効節委懦不立
隱忍苟活偷延視息秉筆爲序愧先生多矣壬子季春邑
後學金潛

原序

天台之聞於天下也自孫興公一賦始也然漢卽有高察
齊又有顧歡隱居其內邇而上之天冠應真之開拓韋卿
子喬之神通晨肇耦而遊仙墨韻分而衍教台山不久以
異跡著乎宇內八垓共宗五嶽若言及石梁華頂之勝則
羣望俱俯首而揖讓之夫洞天之爲天寶也福地之爲地
靈也其指可屈也而在台山不一而足也台以天名上應
泰符之階下應星鳥之瑞天縱之矣詩曰維岳降神生甫
及申名山不產異人是頑石也則名人之所以報名山肅
爽凝而菁華吐其大者爲高勳偉烈忠臣孝子之光而其
天合詩選序

二

次卽散觀於縣人高士金石聲歌之緒日星布彩川岳出
雲其氣然也輝考古人之咏天台如沈隱侯徐孝穆之諸
記李巨仁孟浩然元微之之諸篇碑辭未湮星灝猶兀頤
任翻三過終非卜策之幽居天姥一吟仍屬夢遊之逸客
惟吾友許帶存先生所選詩集始自有宋之二劉下逮我
明之今日或標舉一家之英或近取一邑之乘而餘卽台
郡名賢皆不得以闢入焉在台言台明巖檣溪之結秀生
動鬚眉赤霞瀑布之爭奇淵源昭穆言善必及其祖先言
文必舉其家傳訓國人以孝悌之道而闢名岳以誕孕之
房在是集矣其詩以有所刪訂則必言選而亦有佚於選

以外者亦有恕於選以內者父兄子弟之教關文徵獻之
方也然合乎詩以論山山爲五宗之伯仲詩亦六代之裔
苗非金庭玉京之秘無以發爲物華非巨卿才子之章無
以抒爲邦彥誰謂一隅之爲邪宮乎自茲以往代興復嗣
夫豈乏人筆橐家猷以扶大雅吾於繼起之後實不能無
望矣崇禎壬午仲冬小寒山陳函輝謹撰

天合詩選序

二

三

自序

天合先正詩無論顧張王展諸君子失傳即南渡後黃待制宋開學買正叔靜學太祖幽忠錄表表見於邑乘者亦多淹沒潘梅壑先生彙集之夏赤城先生有序惟時已不能多得之久遠矣迄今百餘年手編殘缺後學目不經見慮併此近今者而失之因登之剞劂以承其傳重加蒐補間入仙釋及占籍之士共得詩若干卷高者似華頂之崖先深者似石梁之窟注悲壯似瓊臺之孤清曠遠似桃源之閒巖藻采分披又似赤城之秀麗或以詩傳或以人傳總之於聲沉擢滅之餘寄高山仰止之意遺之後人遂及

天台詩選

序

他善其功其德以不沒合山之靈云爾彼聞猿不忘機者句雖工不錄採詩之中尤重旌品願吾台士各相淬勵立德立功俾台山因我而益重毋使我因台山而重也更於先正有光焉崇禎壬午仲冬之吉許鳴遠書於赭霞溪房

本傳

朱之任撰

公姓許氏諱鳴遠字有璽號帶存別號赭溪居士天台人也其先居山左之巨野金鄉村宋宣和間登何煥榜進士仁隨蹕南渡爲右朝請大夫榮英殿修撰以抗疏論汪黃獨忌遂偕修武郎趙士伾遊合因家焉至八世德著登賢祐進士以彈買似道未授官歸作幽忠錄至元十世嗣博學嫻於詩劉誠意爲點評其集抗志不仕作詩訓子蓋公先世實篤忠貞云從祖敬軒明永樂歲薦爲儀部員外郎宣德間守汀州時繼况鑑擢二十五人爲郡守公其一至十八世贈君諱學慶陰行善而家日豐娶朱安人生丈夫

天台詩選

本傳

三

子三長鴻臚寺序班鳴遠季鳴遠鴻臚寺署丞公其仲也公風骨精岸目如耀星早年警敏絕人人知與不知無不以國器期公公於書無所不閱而尤達於史每言史則歷歷有貫穿年十七補邑博士弟子試輒屈其儕偶以臺試第一應於庠天啓辛酉恩選入太學屢試南北闈不利崇禎丙子授揚州府通判時流寇充斥犯九江破六合耽耽虎視則在揚以揚繁華佳麗爲南北咽喉是以屢闕焉公初蒞任卽署軍務爲佈城守厲軍政重偵探嚴保甲而揚州之壁壘一新會朝廷頗任內臣大璫楊顯名以巡撫鎮揚主鹽課作威福其中軍韓姓者方坐堂上關中門公列

騶嚴呵過之其徒大噪以公不下乘左右以告公微哂次日復列騶過之寂不敢動於是一郡稱公而璫亦少欬丁丑秋流寇犯大儀僑道橋諸鎮且備長衝大櫓欲以攻揚上臺以新城爲賊所尤焚獨委公守時賊勢方張人懷疑懼公集紳衿鄉保於三義閣抗慨盟誓人爲鼓舞日則稽保甲夜則明烽火寢食於睥睨者三閱月賊知有備遁去時兵備河南鄭公二陽稱達才文武備具遇公如舊相識任公如左右手先是公未至時鄭已增高其城但舊濠涇塞公至遂以濠事任公公勤思瘁力爲濬新濠於舊濠外縣亘百餘里自秋徂春凡六閱月而濠成於是詰奸究時天台詩選本傳

三

糗糧論諸賈出資樹敵臺如林立且布德施仁民心益固寇自是不復覲揚矣巡按奉旨查近年錢糧監司以屬公務在一月報竣公奉檄卽按部稽覈虛者補實者清墨吏奸胥無所上下不旬已竟其事有儀真倉使李徐二人交盤未清相繼物故後至憚於宿逋罔敢承接其子李良苦徐時俸繫獄三年公爲嚴拘倉胥勒其底簿覈之清補足數隨令交代并釋二子扶輿歸又京師大豪某常至揚作奸亂吏治郡中苦之寓鹽商某家商宴勞贈賄無少失豪欲誣以陰事商不獲已訟於鄭鄭亦屬公公立捕於庭豪以權貴恐嚇公曰我方詰奸細汝何爲擾吾士遂置之

獄旣鞫抵罪戍邊郡中無不大服戊寅歲旱蝗民且病疫死者相望公煮粥於息浪庵以哺餓者劑藥於濟生館以治疫者所全活甚眾及二麥告成蝗蝻復發公躬率焚捕賞錢米以勸之設壇步禱祭告八蜡神不旬日風雨大作盡驅蝗於江中而民皆悉除論者以爲精誠所感冬置江防江防多稅課計簿山積公追出濬操餉銀新舊侵漁於寧胥及無批迴者數千兩瓜人咸服己卯春署泰州試童子拔寒士方苞爲首撫字備至泰人有許侯去思錄秋署通州海盜縱橫一夕報犯任家口時有言急閉城門者公斥之躬率鄉兵鳴金發炮以邀之隨遁去次日復犯公集天台詩選本傳

三

官民兵奮勇前擊盜復遁去未幾應天巡撫訂期會勦謂通海如舉多係賊窟公友人靖江令陳公函輝時爲監紀致書於公總河張公國維兵道林公自銘咸以擒渠之事遙藉於公於是出睿慮以建奇勦遣人密訪渠魁郭四大王名郭希原注如皋以爭賭手刃四十餘人懼誅遂爲大盜被縛啓陛殺人淫汚官兵莫可如何公遂遣機幹數十百人埋伏賊所經地如張網然不數旬郭希郭五陳禮等皆就擒又有盜顧科顧榮依倚宦勢縱橫出沒以城狐社鼠難於勾攝取他盜鞠之竄名其中忽然行季遂盡供焉於是合州有包龍圖之謠而通盜悉平公在揚三載狀公

最者十餘疏正在議選而漕撫朱公大典欲射陽湖以爲非公莫任於是特疏薦公攝淮安山清河務同知公至淮治湖築堤之檄交下射陽當淮揚七州縣下委壅則爲害大通則爲利亦大且海運可復新濬蘇甯建義三堤則漕河利害攸係於是議治湖估費一萬二千餘兩先是朱公於煮賑疏中曾列工助一款奈大兵大荒無以勸助時適有踏丈灘田一案公申報屢畝得田二百四十七頃可變價六千六百餘兩又察公書一案起獲巨窩房屋船隻等項估值銀九百一十餘兩淮撫具題因此二者充湖工之費但治湖殊有萬難多端者時孫孝廉條議意在築堤不必探湖身之深淺撫臺亦頗主之公意則在溝深不在浮高其揭云古語載湖身闊三十餘丈涇口北至益林三十里正當黃河三決口下流今爲淤泥充塞寬成平陸先年溝止一二尺僅通潤沙之水三分之一北行其二仍向流金溝東行瀾漫田間以爲民患又東作二里係湖水咽喉今壅滙塞水反倒流入湖若不濬深使有建瓴之勢水仍不出雖濬無濟詳察地勢潤一丈不如深一尺其下有淤泥者最難下手今惟以引水出口爲據成算已得於是分作三工旱工水工堤工委官及義民同力協作焉朱公經始之日深慮告竣無期公則豫定兩月今若左券開

天台詩選本傳

四三

堤不必探湖身之深淺撫臺亦頗主之公意則在溝深不在浮高其揭云古語載湖身闊三十餘丈涇口北至益林三十里正當黃河三決口下流今爲淤泥充塞寬成平陸先年溝止一二尺僅通潤沙之水三分之一北行其二仍向流金溝東行瀾漫田間以爲民患又東作二里係湖水咽喉今壅滙塞水反倒流入湖若不濬深使有建瓴之勢水仍不出雖濬無濟詳察地勢潤一丈不如深一尺其下有淤泥者最難下手今惟以引水出口爲據成算已得於是分作三工旱工水工堤工委官及義民同力協作焉朱公經始之日深慮告竣無期公則豫定兩月今若左券開

壩放水水循故道逃竄災民皆聞風競歸相率以施耕種山鹽高寶海運之米皆達此湖而工作於是乎成矣湖工稍停三隄又爾告急公離湖上卽趨隄所躬親督率風沙烈日拮据五旬隄工方竣而催攢之檄又至往規漕艘三月過淮四月過洪以黃濁淮清至伏秋則黃水漲而淮水調勢必濁流滿淤必四月迺可避之奈是歲浙直苦荒湖廣苦寇五月方始至淮繼之旱魃爲災淮水縮流三十里黃水連漲二月餘運口內外幾爲絕流數十年未見之事公又當之竭心焦勞寢食俱廢晝夜疏濬漕艘方得盡出其如時已去何朱撫臺札云門下拮据蒸炎烈日之中不問而知其苦科臣左懋第疏云河臣許某奔走河濱倉皇晝夜是則公之盡瘁竭誠兩公實鑒之矣乃當事者不問前之不至但咎此之不出而且欲自卸過公又正言觸忌遂飛章彈公公被議柯公夏卿銘其墓云時禁旅乏現糧枝青河令公力爲救解且抗言曰士可殺不可辱從無至憲司枝縣令輩與深衡之飛章勒河官十餘人公與爲至京上書自理蒙聖鑒有誤錄兌米之旨既而朱公抗疏論救以射陽湖功不可泯於崇禎十五年十月準復原職公以勞苦成疾遂用是歸矣論者咸以公未竟其才爲嘆公雖家居不忘憂國閏三年遭甲申之變終日悵快時或慟哭不食至仲冬竟以疾作而卒享年五十有七公孝友天

天台詩選本傳

五三

壩放水水循故道逃竄災民皆聞風競歸相率以施耕種山鹽高寶海運之米皆達此湖而工作於是乎成矣湖工稍停三隄又爾告急公離湖上卽趨隄所躬親督率風沙烈日拮据五旬隄工方竣而催攢之檄又至往規漕艘三月過淮四月過洪以黃濁淮清至伏秋則黃水漲而淮水調勢必濁流滿淤必四月迺可避之奈是歲浙直苦荒湖廣苦寇五月方始至淮繼之旱魃爲災淮水縮流三十里黃水連漲二月餘運口內外幾爲絕流數十年未見之事公又當之竭心焦勞寢食俱廢晝夜疏濬漕艘方得盡出其如時已去何朱撫臺札云門下拮据蒸炎烈日之中不問而知其苦科臣左懋第疏云河臣許某奔走河濱倉皇晝夜是則公之盡瘁竭誠兩公實鑒之矣乃當事者不問前之不至但咎此之不出而且欲自卸過公又正言觸忌遂飛章彈公公被議柯公夏卿銘其墓云時禁旅乏現糧枝青河令公力爲救解且抗言曰士可殺不可辱從無至憲司枝縣令輩與深衡之飛章勒河官十餘人公與爲至京上書自理蒙聖鑒有誤錄兌米之旨既而朱公抗疏論救以射陽湖功不可泯於崇禎十五年十月準復原職公以勞苦成疾遂用是歸矣論者咸以公未竟其才爲嘆公雖家居不忘憂國閏三年遭甲申之變終日悵快時或慟哭不食至仲冬竟以疾作而卒享年五十有七公孝友天

至事二人篤舉孺之慕幼異伯兄同學而事伯兄如事父伯兄執家政公則專意就塾伯兄卒毀瘠踰禮如執三年喪伯兄有姪四公爲撫育授書悉如己子衣則同彩履則共朱襖戲則均受撻而猶子事公亦凜凜如嚴君季弟儀吉受經於公妹四人皆厚賞以遣有疾親視醫藥則坐守達旦比李英公燕鬢猶過焉公爲人剛直健決而性仁慈與人接曲而有情禮人有善如己善人有不善嫉之如讎有童時受業師爲臨海人死其子不克塋殯於路側公每往郡則披棘而拜其所出資付其子令買山以塋其子終不塋公於是載附棺之物親詣八疊以塋焉至於周鄰

天台詩選本傳

六

三

里以粟帛助戚屬之婚嫁從弟守行艱於嗣資其買妾以續後明揚久游不歸膳其妻子作書招至署厚贈以全其家有岳資屢捐俸緘寄公卒二十餘年諸從弟言及無不泣數行下岳翁家落鬻其宅於人捐百金贖還之此皆公之餘事筆不能殫述任之先慈公之弟四妹也忝以宅相受任良深任受恩甚至茲謹按行事不爲妄溢一詞以備他日蘭臺之採此則所以報公公男子四人長君求太學生次君揚邑庠生次君徵邑廩生次君羅郡廩生孫十餘人多英彥工文辭是公之昭明有融蓋未央也

贊贊曰予小子任欲贊公亦何能贊公且欲贊則嫌於私

親之言弗贊則異於大道爲公之旨由今觀之未孩朱公則投公以艱難之任者也潛庵鄭公則倚公如左右手者也難石左公則知公勞瘁之至者也朱公金華之守比之張睢陽而尤烈鄭公庭對之言方之賈長沙而彌切左公北使之時例之洪忠宣而更慘至若辨公陷公者或叩首求活或蒙面事人忍凝碧之國恥賴隴西之家聲孰不昭昭於人世間耶易曰同聲相應同氣相求傳曰美女者惡女之仇又曰不知其人視其友豈不然哉豈不然哉

天台詩選本傳

七

三

台州府志 仕進

許鳴遠字有望號帶存恩選入太學崇禎丙子授揚州別駕流寇猖獗集兵民城守三閱月賊知有備遁去攝篆通泰皆有異績總漕朱公以河決新蘇口特疏薦擢淮安河務同知至卽詳察地勢分旱工水工堤工三等同力協作不兩月挑湖七十里水落田出流民復業

天台縣志 仕進

許鳴遠字有望號帶存警敏絕人以恩選入太學授揚州別駕丁丑流寇猖獗破郡邑尤窺視於揚當事知其才以新城委之鳴遠集兵民於三義閣慷慨誓盟眾爲鼓譟天台詩選 郡邑志 一 二

日則稽保甲夜則明烽火寢食於城上三閱月賊知有備遁去揚舊濠溼寒鳴遠爲開築繇亘數十里樹敵臺重饒探賊遂不敢窺攝篆通泰皆有異績除豪猾擒大盜撫餓民清獄囚奏最應遷總漕朱以河決新蘇口山鹽舉實七州邑之田久成巨浸議與射陽湖及建議新溝蘇甯三堤之役特疏薦擢淮安河務同知鳴遠至卽詳察地勢分旱工水工堤工三等同力協作不兩月挑湖七十里水落田出流民復業海運以通後亢旱漕艘不至當事陰圖中之鳴遠上書自理朝廷以有治湖功旋命復職茲引疾歸著有歸震集治湖錄天台詩選

四庫全書提要總集存目

天台詩選五卷明許鳴遠編鳴遠字有望天台人自序爲天台先正詩多湮沒失傳慮後學併此近今者而失之因加蒐羅間入僊釋及占籍之士起南宋迄明凡二百二十四家搜採不可謂不廣然元以前僅得二十餘人餘皆明人也

天台詩選 四庫全書存目

一 二

凡例

一是集爲 先祖帶存公手輯每卷卷首謹遵原書登載惟參訂爲母弟鳴遠從弟鳴欽文慎抄錄爲嗣子君求君揚君簡君徵君羅胞姪君輔君匡君藩君翰君藎君靖君恭增補爲徐明經光允名氏既繁不能備列而又不可遺漏特首揭於此以著一時相與有成之誼

一是集頗非完本如楊子肅十首余誦一首楊子傳五首楊士化二首楊士弘一首袁從韜一首戴慶一首夏鐸一首目錄具存而詩已失無別本可以考證今

天合詩選 凡例

一 二

亦無從參補祇付缺如

一是集如方明敏陳澤雲瑋係非本邑人刪去不載釋宗泐及列女嚴蕊亦然其補遺中在疑似之間者不在此例

一此次增補正集宋之瑞等十五人補遺及續補遺張令聞等二十六人閨媛三人方外十人較原書差備一四庫全書提要總集存目稱是選二百二十四家今案原書目錄續選與初選姓氏重複凡三十三家又除去楊子肅及方明敏等十二家實只得一百七十九家此次增補凡五十五家一共得二百三十四家

較原書爲數加巨尤冀博雅君子訂遺拾墜匡我不逮

一集中如徐一夔漢三老董公碑銘等類宜入文選惟原本既經選入今不復刪削仍從其舊

一原書第五卷俱係補輯第其詩前後錯出有同是題而數首見初選數首見續選者令人猝難辨識今合併爲一庶讀者一覽了然

一在詩選之後如徐印卿朱覺菴張菊人諸先生明雖亡猶心乎明即詩亦宜編入明然皆入清數十年猶有故金性山先生輯國朝天合詩存即首爲登載今

天合詩選 凡例

一 二

不復列入以避重出新補入者除 帶存公詩外從祖鳴遠等凡八家

一原書釋道閨媛雜然並出不分門類似乘體製今另爲標出以清界限

一原書時代間有譌舛今悉爲釐正免致前後淆亂

一原書五卷今釐爲六卷補遺不列卷數其續補遺皆在 帶存公後因刻 公詩而并及之

一排印經費係祇下公產提撥其不足者多由從叔新連堂兄芬同行擔任繼志述事以共成美舉例得并書

裔孫佩蓀謹識

天合詩選

總目

第一卷 宋元

劉知過 三十二首

劉知變 十六首

宋之瑞 二首

丁可 三首

徐大受 六首

丁雷 三首

裘潛 一首

陸可大 一首

丁衛 一首

賈似道 五首

潘音 四首

丁復 十七首

許嗣 二十三首

許廣大 四首

天合詩選 總目

朱雪 四首

曹文炳 一首

曹文晦 五十九首

曹一介 二首

夏圭孫 一首

潘和道 一首

第二卷 明洪武永樂宣德正統景泰天順

徐一夔 八首

王澤 八首

楊秉爲 一首

楊天顯 二首

楊善 二首

吳昊 一首

朱思平 五首

周應顯 二首

夏迪 三首

朱文中 一首

余世安 三首

曹宜約 六首

魯穆 九首

陳祥 二首

朱應 三首

裘參 一首

徐善述 一首

褚子南 一首

褚思敬 二十首

許敬軒 二首

洪益中 二首

夏智 一首

楊子相 一首

陳川 二首

杜甯 十七首

范理 六首

夏魯 三首

童守宏 一首

齊汪 二首

許端弘 六首

陳宏 十五首

婁應奎 一首

天合詩選 總目

盧巖 二首

袁喬 一首

陳肅 二首

陳策 一首

袁冲 一首

夏垣 十首

魯昇 一首

魯崇志 七首

丁丕 二首

許端惠 二首

夏澄 二首

裘淑登 一首

第三卷 成化

潘禎 二十三首

楊澤 二首

范吉 八首

聞式 四首

潘祺 一首

季璫 三首

盧策二首	龐泮十首
盧濬三十七首	張敦一首
夏堡二首	潘慎一首
許載四首	賈穎一首
方參一首	賈恆十首
姚淵一首	潘夔八首
王銀六首	孫豸一首
夏鍊四首	魯諫一首
許崇高一首	楊一奇一首
夏埒一首	
天台詩選總目	
第四卷 成化弘治	
夏鍊一百四十首	徐廷試一首
楊一貞五首	王夔三首
夏鎰三首	王宗元四首
許崇仁二首	姜燧八首
夏銑一首	季雪梅一首
潘漢六首	
第五卷 弘治正德嘉靖萬歷崇禎	
潘球二十三首	許性一首
陳旂光二首	裘致中一首

陳校三首	季丕一首
范榮二首	楊一誠一首
姜松三首	徐宙一首
許金一首	龐樸三首
王玠三首	陳壽嵩一首
曹甯一首	盧大韶二首
汪富一首	范沟三首
陳瓊四首	王理二首
潘淵十六首	陳臨民二十一首
潘憲一首	潘城十八首
天台詩選總目	
四	
賈詩四首	徐璟二首
陳木七首	葉金四首
許爵二首	張進五首
裘環二首	范榮一首
方瑀二首	葉茂起一首
季灌二首	張世民四首
夏準五首	季復祥一首
李儼一首	王試二首
葉象一首	潘鴻榮一首
曹夢松二首	盧謨一首

許繼烈 十二首	盧詩 一首
盧季鸞 二首	楊季 八首
葉繩宗 二首	徐冽 五首
潘學孔 二首	陳洵 一首
陳廡 一首	朱玉 二首
陳日躋 二首	陳光謙 一首
徐人文 一首	盧季鴻 一首
許國光 十二首	盧季鵬 一首
陳期奎 三首	范文學 一首
許爾奎 一首	盧季鯨 一首
天台詩選總目 五	
陳守祺 六首	許鳴達 七首
楊三省 一首	潘鴻遠 一首
元維岳 一首	周英 一首
齊琮 一首	
第六卷 閨媛方外	
宋氏 一首	賈雲華 十五首
潘氏 九首	胡蓮 一首
司馬承禎 二首	徐靈府 一首
杜光庭 一首	陳寡言 一首
張無夢 一首	王中立 三首

泰山子 十七首	拾得 二首
豐干 二首	靈一 一首
如菴主 一首	惟茂 一首
法具 一首	蘊常 一首
處林 一首	至奘 一首
必才 一首	子賢 一首
曇垠 二首	自悅 二首
清澹 二首	先觀 四首
曇噩 二首	德榮 二首
心泰 一首	明統 六首
天台詩選總目 六	
明玢 三首	仁淑 一首
傳燈 八首	
補遺 後梁宋元	
張令聞 一首	賀允中 一首
桑世昌 二首	徐逸 二首
金卞 一首	左君 一首
王亞夫 二首	林奘 一首
陳潤道 一首	劉瀾 二首
林希元 二首	楊貴亨 一首
金翼 二首	楊伋 一首

阮拱宸二首

林洵一首

董遠二首

葛蒙一首

杜本一首

李明復一首

唐夢一首

天合詩選總目

七

天合詩選第一卷

明許鳴遠帶存輯

裔孫佩揀重校

宋

劉知過

字與幾紹興中特科監南嶽廟與弟知變並有詩名時號二劉資參政允中題其集曰江東天

長爲序

迎遠樓

幽人曠遐曠應接便無窮雲至白天末月來從海東大千包眼界寸碧在簾櫳彩筆難移得憑師訪畫工

贈隱者

閉門不曾出經今及幾年頗將丹竈弄閒看白雲眠萬卷

天合詩選卷一

蟠胸次三山在眼前道餘宜隱物何但不居塵

月下觀潮

天外玉輪湧人間銀漢通臨江不識夜高浪欲浮空隱若雷將發翻疑水盡東誰家舟一葉棹入廣寒宮

窮居晚霽

背郭林塘秀新晴宇宙寬水鳴蒼玉珮月湧爛銀盤野性難簪笏高情易羽翰莫爾狂處士刺字直疑漫

瘦怯胡床穩慵便夜氣涼面山心不俗洗梳興何長自許老元亮妻還小孟光何須入城府正擬到羲皇

仲夏對雨